



## Samstarfssamningur Mosfellsbæjar og Skátafélagsins Mosverja

Mosfellsbær kt. 470269-5969 og Skátafélagið Mosverjar kt. 240288-2489, gera með sér svohljóðandi samstarfssamning:

### 1. grein

#### Tilgangur og markmið samningsaðila

Meginmarkmið samningsaðila er að leitast við að tryggja öflugt og fjölbreytt skátastarf í Mosfellsbæ.

Skátafélagið Mosverjar skal hafa það að markmiði í starfsemi sinni að bjóða börnum og unglungum skipulagt tómstundastarf undir leiðsögn hæfra leiðbeinenda sem hafa hlutið þjálfun til foringjastarfa innan skátahreyfingarinnar. Leiðarljós í skátastarfinu eru gildi skátastarfs og forvarnir. Samhliða verði leitast við að styðja við einstaklinga eða hópa innan Skátafélagsins Mosverja með sérstökum styrktarsjóði sem stjórn félagsins hefur umsjón með.

### 2. grein

#### Framlög Mosfellsbæjar

Mosfellsbær skal greiða Skátafélinu Mosverjum árleg fjárfamlög og skal félagið ráðstafa þeim á eftirfarandi hátt til starfsemi félagsins.

#### 4.710.540 kr. Framlag til barna- og unglingastarfs

Framlaginu skal verja til barna- og unglingastarfs félagsins. Framlag hvers árs tekur mið af breytingum á launavísítölu útgefinni í nóvember árið áður, auk 3% á ári til að mæta væntanlegri fjölgun iðkenda. Gera skal grein fyrir hvernig framlaginu er varið í reglulegum skýrslum til Mosfellsbæjar.

#### 943.838 kr. Framlag til styrktarsjóðs

Framlaginu skal verja til að styðja almennt við einstaklinga eða hópa innan Skátafélagsins Mosverja, sem eru virkir félagar. Einnig að veita leiðbeinendum félagsins styrk til að efla þá í starfi. Framlag hvers árs tekur mið af breytingum á launavísítölu útgefinni í nóvember árið áður, auk 3% á ári til að mæta væntanlegri fjölgun iðkenda. Gera skal grein fyrir hvernig framlaginu er varið í reglulegum skýrslum til Mosfellsbæjar.

#### 899.781 kr. Afnot af eigin mannvirkjum

Reiknað framlag Mosfellsbæjar vegna afnota Skátafélagsins Mosverja af eigin mannvirkjum fyrir börn og unglunga félagsins. Þetta tekur til skátaheimilisins að Álafossvegi 18. Framlag hvers árs tekur mið af breytingum á byggingavísítölu útgefinni í nóvember árið áður, auk 3% á ári til að mæta væntanlegri fjölgun iðkenda. Gera skal grein fyrir hvernig framlaginu er varið í reglulegum skýrslum til Mosfellsbæjar.

*Framlag til greiðslu fasteignagjalda vegna fasteigna í eigu Skátafélagsins Mosverja*  
Á hverju ári samningstímans skal Mosfellsbær veita Skátaféluginu Mosverjum fjárframlag til greiðslu fasteignagjalda af fasteignum sem eru í eigu félagsins og eru nýttar sem slíkar.

*Framlag til sumarstarfa*

Vegna sumarverkefna félagsins greiðir Mosfellsbær árlega fjárhæð sem nemur 2 stöðugildum (140 stundum á hvort stöðugildi) í launaflokkni 117 samkvæmt kjarasamningi Starfsmannafélags Mosfellsbæjar. Stjórn félagsins ákveður hvernig fjármagninu er ráðstafað til verkefna.

*Framlag frá Vinnuskóla Mosfellsbæjar.*

Á sumrin nýtur félagið starfskrafta frá Vinnuskóla Mosfellsbæjar, en sækja skal um það 1. apríl ár hvert. Á hverju árið er metin þörf félagsins til starfskrafta og geta bæjarins til að mæta óskum þess.

**3. grein  
Greiðslur**

Framlög til starfsins- eru greidd í tveimur jöfnum greiðslum 1. janúar og 1. júní ár hvert. Greiðslur taka mið af breytingum á vísítolum útgefnum í nóvember árið áður. Gera þarf grein fyrir hvernig framlögin eru nýtt í skýrslum til Mosfellsbæjar þegar eftir því er leitað. Öll framlög til félagsins verða gerð sýnileg á vef bæjarins auk ársreikningi skátafélagsins Mosverja þegar hann liggur fyrir eftir aðalfund félagsins ár hvert.

Félagið skal senda Mosfellsbæ reikninga fyrir fjárfamlögum skv. 2. grein. Dagsetning reiknings skal vera 1. dagur þess mánaðar sem kveðið er á um greiðslu framlagsins. Mosfellsbær áskilur sér tvær vikur til úrvinnslu reiknings áður en hann er greiddur. Reikningar eru greiddir inn á þann bankareikning félagsins sem tilgreindur er á innsendum reikningi. Féluginu er óheimilt að veðsetja eða ávísa greiðslum samkvæmt samstarfssamningi þessum til þriðja aðila.

Árlegar greiðslufjárhæðir eru ákvarðaðar með fyrirvara um fjárheimildir í árlegri fjárhagsáætlun Mosfellsbæjar.

**4. grein  
Samskipti samningsaðila**

Stjórn skátafélagsins eða fulltrúi Mosverja annast öll samskipti fyrir hönd félagsins við Mosfellsbæ.

Íþróttar- og tómstundanefnd Mosfellsbæjar kemur fram fyrir hönd Mosfellsbæjar varðandi framkvæmd samningsins.

Tómstundafulltrúi Mosfellsbæjar annast dagleg samskipti við Skátafélagið Mosverja varðandi framkvæmd samningsins.

**5. grein  
Upplýsingaskylda Skátafélagsins Mosverja**

Stjórn Mosverja skuldbindur sig til að leggja fram gögn til Mosfellsbæjar um fjárhagsleg málefni félagsins svo og fjölda, aldur og kyn barna- og unglingsa þegar eftir því er leitað. Gögnin verða hluti upplýsinga sem birtar verða á vef bæjarins um hvernig fjármunum sveitarfélagsins er varið. Allir styrkir og framlög Mosfellsbæjar greiðast inn á reikning félagsins. Samkomulag er um að félagið leitist við að hækka ekki gjöld sín umfram hækjun launavísitölu á samningstímanum.



## **6. grein**

Mosfellsbær áskilur sér rétt til að skilyrða allar fjárveitingar til íþrótta- og tómstundafélaga, að þau setji sér siðareglur, viðbragðs- og aðgerðaráætlun í tengslum við þær og skulu félögin fræða starfsfólk sitt um kynferðislega áreitni/ofbeldi og hvers konar annað ofbeldi. Einnig skal félagið stofna og/eða hafa aðgang að óháðu fagráði sem tekur á móti ábendingum og kvörtunum iðkenda og ábyrgðaraðila. Félögin skulu sýna fram á að farið sé eftir jafnréttisáætlunum og jafnréttislögum í starfi og aðgerðaráætlun þar sé skýr.

Hafi félagið ekki gert jafnréttisáætlun með aðgerðaráætlun skal það gert.

## **7. grein**

### **Endurskoðunarákvæði og gildistími**

Samningurinn gildir frá 01.01.2022 til 31.12.2024 og fellur þá úr gildi án uppsagnar. Samningsaðilar skulu á árinu 2024 endurskoða samninginn með það að markmiði að nýr samningur taki gildi í upphafi árs 2025.

Mosfellsbær 5. apríl 2022

Fh. Mosfellsbæjar

Haraldur Sverrisson  
bæjarstjóri

Fh. Skátafélagsins Mosverja

Dagbjört Brynjarsdóttir  
félagsforingi